

RESTAT in hac Tabula *Achaia*, Græciæ regio. Hanc *ptol. Helladem* quoque nominat. *meram Græciam* vocat *plinius*. *Cæcilius* in *Epistolis*. Terminatur a Septentrione *Theſſalia* juxta amnem *Sperchium*, *Sinum Maliacum*, & *Oetam Montem*, ab Occasu *Acheloo* amne, ultra quem mox *Epiri tractus* incipit; qua *Oriens* est, non nihil in Septentrionē reflectendo *Ægæo pelago*, & *Myrto* pulsatur ulque ad *Sunium promontorium*, nunc *Capo delle Colonne*: qua *Meridies* est *peloponnesum* habet objectam *Isthmo* conjunctam. Regiones apud *Scriptores* hic 1x reperio, quæ sunt *Doris* regio juxta *parnaſſum*. *Ætolia* ad *Evenum fl.* Hæc ad *Arctum* plana & fertilis, ad *Austrum* aspera ac sterilis. Multas vetustissimas habuit urbes, inter quas præstantissima fuit *Calidon*, quæ hodie cum reliquis in ruinis jacet. Hanc regionem *Evenus* liquidissimus amnis perfluit, qui in mare devolvitur. *Locrorum* & *Opuntiorum* regio, aspera erat, quorum *Amphissa* *Vrbs* maxima & nobilissima. In hac etiam *Naupactus*, quam alij in *Ætolia* locant. *Phocis* juxta *parnaſſum montem*. *Vrbs* ejus *Delphi*, ubi *Templum Apollinis* sumptuosissimum & *Oraculum*. *Bæotia*, inter montes sita agro potitur humido & paludoso, sed pingui & frugibus fecundo. *Vrbes* *Aſcra* ad *Heliconis* radices, *Hesiodi* patria. *Orchomenus*, *Tireſiæ* oraculo clara. *Theba*, quæ neque *Athenis* cedebant olim claritate, *plinio* prodente. Multorum illustrium *Virorum* patria. Nunc vero prostratæ & dirutæ jacent. *Cheronea*, patria *plutarch*. *Plataea* memorabili victoria *Græcorum* Duce *pausanias* adversus *Mardonium* nobilis. *Tanagra*, *Vrbs* superstitiosissima. *Aulis*, ubi *Græci* ad *Trojam* profecturi congregati fuere. *Attica*, terra sterilis ac silvola. *Vrbs* primaria *Athena*, pomponio clariore quam ut indicari egeant. *Euripidi* apud *Athenæum* *Græciæ* *Gracia*, seu *Græciæ* compendium. Valde prædicat illam *Vrbem* *Cic. oratione pro L. Flacco: lib. 11 de Legibus*, & in *Dialogo de partitione*. Fuerunt & *Marathon* celebri *Miltiadis* victoria notissima, Et *Eleusis* clara sacris *Cereris* quæ *Eleusinia* dicta fuere. *Megaris*, a *Steph.* aspera vocatur. Huius *Vrbs* *Megara* quæ ipsi regioni nomen dedit juxta *Isthmum* posita. Fluvij *Achaia* celebriores sunt: *Ïmenus*, *Thebas urbem* adluens *Bæotia* fl. *Cnopus* quoque *Straboni* asopus, *Homero* herbidus cognominatus. *Evenus*, ante *Lycormas* *Apollodoro* & *Strab.* testibus. Fluvius est *Ætolia*. Montes celebres *Parnaſſus*, *Lucano lib. v. Mons phæbo Bromioque sacer: in ipſo totius Orbis medio* *Claudiano* & *Lucretio* situs. *Helicon*, *Plinio* *Musi* natale. *Hymettus* *Melle*, *Marmore*, & omni eo, quod ad *Medicinam* utile est, clarus. *Cytheron* a *Cithara* dictus *Lactantio*, quod illic frequenter hoc organum personaret & alij poetarum versibus decantati. *Episcopatus* porro in hac Tabula juxta provinciale *Romanum* sunt: *Archiepiscopus philippensis*, cuius *Suffraganei* *Christopolitanus*, *Dragonensis*, *Chrisopolitanus*. *Arch. Sereſanus* nullum habens *Suffraganeum*. *Arch. Theſſalonicensis*, sub quo *Curensis*. *Veriensis*. *Arch. Laricensis*, sub quo *Dinutrientis*, *Almarenſis*, *Armiro* credo: *Cardicensis*, *Sidonienſis*, *Dinucentis*. *Arch. Neopatensis*, sub quo *Larietensis*. *Archiepisc Thebanensis*, *Jorocemensis*. *Castorienſis*. *Arch. Athenienſis*, sub quo *Thermopylenſis*, *Davalienſis*, *Salonenſis*, *Nigropontensis*, *Molgarenſis*, *Megara* opinor, *Roonenſis*, *Eginnenſis*. *Arch. Corcyrenſis*: & *Daracenſis*.

Cccc

Hæc

Regio & unde dicta. situs.

Vrbes.

Delphi v. h.
Templ. Apoll.
my. calvina
h.

Flumina.

Parnaſſus

Montes.